

www.BibleForChildren.org

San Mateo 26



Seis payu
Pascua pishta
chasmin, Jesúsne
Betania pipulura,
Lázaro uzatta, ira. Sua
Jesúsne an ñamin ussa
irittas kuhsnintit.
Suasne Maríane maza
kakwa botella piam
pihshpi karara. Sun
pihshpine nardo muntit. Kwisha
muin azi. Jesúsne mittikin pihshpi
parantawane, usne paiña ashkasa
pulchaktara. Yalnuras piam piara.



Suasne Judasne, Iscariotewa painkulne, Jesúspa doce
kammuruzkasa charit. Usne katsa pariya inintuza it kit
usparuza kaiznara: —Nane umiza
Jesústa annash, ussa pizanapa,
kiznara. Katsa pariyaruzne
Judas kaizta aizpa miashit
kit ussa kaizara: —Aumiza
kiwainshitne,
Jesústa anchain,
ussa pizna.




Aune nua pial tanapas, kizara. Judasne Jesústa
chihkan nam kit ka minta: “Nane mamaz payu
tiriznash, Jesústa annana, ussa
pizanapa,” minta.




Kammuruzne Jesús ininta aizpa
kiil kit Pascua kumira sailta.
Kuamtuasmin, Jesúsne pan piz
kit Diosta aishtaish kizta. Pan
kiztawane, usne kammuruza kwinat
kit kaiznara: —Kwarain. An panne
ap ña i. Suasne usne maza vino
waz piz kit Diosta aishtaish
kizta. Waz annamtuasmin,
kaiznara: —Une
an waztain
wan kwarain.



An vinone ap aimpi i. Na imtu
akwa, Diosne ukasa masas
contrato kin namtinazi. Ap aimpi
puztu akwa, nane akkwan awa
kwail kiarittuza wat kulnanash.



Jesúsne sun kaizta: —Simón, Simón. Izti. Satanásne Diosta paikwara, uruza ulmalnapa, Diosta an nijkulamanpa. Nane nu akwa Diosta paikwarau, nu Diosta nijkulnapa, Dios pit mainmanpa. Nu nawa kailtawane, up añaruza, ap kammuruza, kiwainnari, an tinta namanapa. Simónne ussa kaizta: —Anpat. Nane nu akwa kajchira inpain, inakima. Jesúsne ussa kaizta: —Pedro, nane nua kaiztus. Ma payu aral kayu aztuchasmin, nune kutña pijikima “nane ussa pianchish” kiznazi.



Suasne Jesúskas paiña
kammuruzkas Getsemaní
nanmalkin pianaara.
Usne kaiznara: —Na
an ta Diosta paikwan
ĩmtuasmin, une apain
uztain. Suasne kaizta:
“Ap Taittane, nune wan
kishina, na imanpa. Nane
naizshitchish. Nawa
kiwaincha. Na pashit aizpa
kimun. Nu kishit aizpa
kiri,” kizta.




Katmizna Judasne Jesústukin olivos tî wamkin at kit
akkwan awaruza sun miwara annara. Akkwan Roma
pipuluras suldarukas katsa pariyawa
kiwainmuruzkas Fariseowa kiwainmuruzkas
sun tî wamkin nappaara
impilkasakas, mashtikasakas.
Mazane usparuztas katsa
pariyawa kiwainmikasha
pian kit numal kail yalta.
Jesúsne kaizta: —Sunkana
kimun. Jesúsne kiwainmikawa
kail sin kit ussa namtara.



Suasne uspane Jesústa pizat kit katsa
pariyawa yalta mlara. Pedrone
attishta kanpara. Uspane
yal pianamal ñn usap
kit uzara. Pedrokas
usparuzkasa uzta.




Kwiztane mamaz
katsa pariyawa
kiwainmumikane sua
uz. Ñamin olivos ti
wamkin Pedrone paiña
kwalpa kail yalta. Usne
Pedrora kaizta: —Nane
nua Olivos ti wamkin iztau.
Pedrone mamasa pirail
kaizta. Sun urain aral kayune
azta. Yaltas puztawane,
Pedrone tayal kit tinta azta.




Wan Judío ininturuzne kuhsat kit
Jesústa Pilato iztukin, Roma ainki
mikwa turakin, mɪlara. Suasmesa
Pilatone ussa mɪmara: —¿Nune
Judío awawa katsa mikwa
kish? Usne ussa
sinkara: —Nuin sun
kizta. Watcha i. Jesústa
chihtninshimtu akwa,
Pilatone mamasa usparuza

kwinta kinara. Uspane mamasa
tinta kwian kit kaizara: —Ussa

plantari. Kurishta irukasa
pat pian plantari, kizara.




Suasne Pilato Jesústa chihkatpane,
Roma suldaruruzne ussa młara,
kurishta patpiannapa. Jesúsne
Jerusalén pıpulukis puz kit kurish mut
kit ızara nura. An ızane “KıZPU SıH”
muntit. (Judıowa pitne Gólgota muntit.)



Suane uspane ussa kurishta
patpianara. Mamaz paas awara
Jesúspa pamals kurishta
patpianara.



Pãn maltachi. Dios katsa yalta pãn kantit paizkakin
pshatkwera. Suasmesa Jesúsne tinta kwian kit kaizta:
—Taitta. Nane ap izpul nua
chihkamtus, kizta. Sunkana
kiztawane, irit.




Pãn pianaptikane, Joséne, Arimatea
suras, ara. Uskas Judío awa katsa
mikwa azi. Uskas Dios inintu
payura tiriztuazi. Us
ishkumtuchi akwa,
usne Pilatora it kit
kaizta: —Jesústa
kamshimtus,
kizta.

Joséne ñamin
watsal pñn paira.
Jesústa kurishtas
kihshnintawane, pñn
ussa ampal tara. Tas
uk kulta nukta. Uk
kulne ñamin sarit. Tas
usne katsa uk pijtakin
nuppain kit sipta.




Pascua pishta kapal watsarawane,
tilawarane, kwaizkultu payura,
Sábado payura, pariya
ininturuzkas Fariseo
awaruzkas Pilatora
izna iat kit kaizara:
—Mikwa, aumiza
mizhain.



Uzasmin, an pirail kaizmumikane “kutña
payura irittas kakulnash” kizta.
Suasne uspane kamkin
iat kit sipmu ukkin watsal
sippara, mamaztuz
nappamanpa. Suasne
suldaru kiwaintuza
chihkanarit,
izanapa.





Kwaizkultu payu pinkane, domingo
payu kinmizta. An domingo payu
kinmizkane, Magdalena
pipuluras Mariákas mamaz
Mariákas kamkin izna
ilta. Amtazasmin,
masain pilpara tinta
ul samizta. Anpatpa
ángelne chiyuras
kihsh kit

piannat kit uk siptit
tainkat kit ukkin uzta.
Sun izarawane,
suldaruruzne ulat kit
ishkuara. Ishkuamtu
akwa, uspane
irittuzkanain namarit.




Suasne ángelne ashamparuza
kaiznara: —Ishkuman. Nane u
Jesústa, plantaritmikasha,
saimtuas pianish. Usne akki
tuchi. Ukasa uzasmin,
usne uruza kainanat
kit us kaizta aizpa
kirit. Usne me irittas
kuhsta. Minta ussa
kamtakin
iztain.



Suasne ashamparuzne azain kamkis ilta.
Ishkuamtukas, wat minñara. Ñin
intazasmin, il kit paiña kammuruza
sun pit kainailta. tmtazasmin,
Jesúsne usparuza kasha at kit
“kakishapu” kizta. Suasne
uspane Jesústa ail kit wakpuj
wainpail kit chihtikasa

mittikin ippailta.





Mamaz payura once kammuruzne uzat kit kumira kuara. Suane Jesúsne usparuza ira, ussa izanapa.

Dios watcha Jesústa mamasa kuhsnintitkas, uspane izara aizpa nijkulashitchi. Uspa Dios Jesústa mamasa kuhsnintit aizpa nijkulashitchi akwa, Jesúsne usparuza tinta pilchashinara. Suasne Jesús, au Anpat, paiña kammuruza kwinta kinarawane, Diosne Jesústa chiyura nuninta. Suane Jesúsne Dios numal uz kit Dioskasa ininnamtu.



Diosne au sukin uztuza kwisha
pashinara akwa, usne paiña painkulta,
mazain mijmikasha, au akwa apa
ininta, ussa nijkulararuz ñta
ñamanpa. Ussa nijkulararuzne
pailta payukima wat
uzanazi.



Romanos 3:23 Pailta awa kwail kiarit akwa,
uspane Dioskis attish chaamtu.

Romanos 6:23 Kwail kimmikane chinkas sapmanazi,
irikane. Usne Dios uzkin uzmanazi. Diosne au Anpat
Jesucristora pianturuza uskasa wanmaktuza pailta
payukima chiyura uzninnanazi.

Hebreos 9:27 Sunkana wan awaruzne maza pijin iarawa.
Awa iarawane, kwiztane Diosne wan uspa kwail minñamtu
aizpa chihkatchiruza ilnanazi.

Efesios 2:8 U Jesucristora nijkulara akwa, Diosne uruza
wat kiwainnat kit watsat milnanara. Minminkas ussain
watsat milsachi, Dios kain milam namta akwa, awaruza
watsat milnanapa.



Efesios 2:9 Awa uspa akwa kal kiamtukas, uspane usparuzain maizasachi, Dios usparuza watsat mĩlnanapa. Diosmin aumiza maiznat kit watsat mĩlnashina. Suasne minminkas uspain wan kiarit minñamanazi.

Romans 10:9,10 Minpazha “Jesús ap Anpat i” mamaztuza kiztune, Diosne ussa watsat mĩlnazi. Kawarain minpazha paiña kaijchukin Dios Jesústa irittas kakulninta nijkultune, Diosne ussa watsat mĩlnazi.

Minpazha paiña kaijchukin Cristo kirit aizpa nijkultune, Diosne ussa sap kit wat kulnazi. Sunkanain minpazha Cristora nijkultus mamaztuza kaiztune, Diosne ussa nil namnin kit watsat mĩlnazi.



Juan 3:16,17 Diosne au sukin uztuza kwisha pashinara akwa, usne paiña painkulta, mazain mijmikasha, au akwa apa ininta, ussa nijkulararuz ñta ñamanpa. Ussa nijkulararuzne pailta payukima wat uzanazi. Diosne paiña painkulta awaruza ilnanapa inintachi. Piru usne ussa ininta, awaruza watsat mīnanapa.

1 Juan 5:11-13 Mane Diosne aumiza paiña pitmin piankamninnamtu. Usne aumiza paiña Painkulta nijkulturuza pailta payukima uzninna namta. Dios Painkulta nijkultamikane me Dios akwa mamaz tuntu uztu. Dios Painkulta nijkultuchimikane mizurainkas Dioskasa uzmanazi. Nane an pinkih uruza, Dios Painkulta nijkulturuza panarau, Dios akwa pailta payukima uzanazi piankamanapa.



San Mateo 26-28; San Lucas 22-24;
San Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Awa-Cuaiquer Bible (kwi) © 2002, Wycliffe Bible
Translators, Inc. All rights reserved.

<https://live.bible.is/bible/KWIWBT/MAT/1>

©2024 Bible for Children, Inc.

www.M1914.org

www.bibleforchildren.org

